

ԱՆԽՈՆՋ ԳԻՏՆԱԿԱՆՆ ՈՒ ՔԱՂԱՔԱՑԻՆ

Դիլիջանում ամենքից սիրված ժողովրդական ուսուցչի՝ Ստեփանի դուստր Սերիկ Դավթյանը ծնվել է 1893 թ.։ Տեղի ձխական դպրոցում սովորելուց հետո նա ուսանել է Բիֆլիսի երրորդ իշական գիմնազիայում, 1913 թ. ավարտելով այն ոսկե մեդալով։ Բիֆլիսում ուսանելու տարիներին նա հայոց մշակույթի գործիչներից շատերի հետ է ծանոթացել։ Նվիրական, գուցե և



բախտորոշ էր Հովհ. Թումանյանի հետ հաստատված ծանոթությունը։ Մեծահամբավ բանաստեղծի և տասնինգամյա գիմնազիստուհու միջև ստեղծվել է բարեկամություն, որի հիմքը եղել է սերը ժողովրդական ստեղծագործության նկատմամբ։ Օրիորդ Սերիկը, բանաստեղծի խնդրանքով, ժողովրդական հեքիաթներ է գրի առել և ուղարկել նրան. դրանցից մեկի մշակումն է «Մուկիկի մահը» իմաստուն ավանդությունը։

Վաղ Վասակից Սերիկ Դավթյանի մեջ ի հայտ եկած և բանաստեղծի օրհնած այդ սերը պիտի ապրեր շատ տասնամյակներ, թափանցեր մանկավարժական, ապա հեղափոխական գործունեության մեջ, իսկ այնուհետև՝ այլ դժվարություններով հագեցած տարիների միջով, որպեսզի 50-ական թվականներից ի վեր պահպաներ այնպիսի ինքնատիպ աշխատություններով, որոնք նրան դարձրին ժողովրդական արվեստի երեւելի մասնագետ։

Ձեռագործի վարպետ, հմուտ ասեղնագործող կնոջը, բնականաբար, պետք է հրապուրեր ժողովրդական կիրառական արվեստի հենց այդ ասպարեզը՝ ասեղնագործությունը, կապերտները, գորգերը, եւ 60-ամյա Սերիկ Դավթյանն այդ գործին նվիրվեց այնպիսի եռանդով ու շնույացող լարումով, որ կշարժեր ամեն մի երիտասարդ հետազոտողի նախանձը։ Ահա արդյունքը՝ երեք մեծարժեք ուսումնասիրություն. «Հայկական ժանյակ» (1966), «Հայկական ասեղնագործություն» (1972), «Հայկական կապերտ» (գտնվում է արտագրության մեջ)։

Այս ալբոմ-ուսումնասիրություններն ստեղծելու համար պետք էր ունենալ ոչ միայն եռանդ ու հետեղականություն՝ հանրապետության գրեթե բոլոր շրջաններում լինելու, աշխարհով մեկ սփռված հայկական գաղթօջախների հետ կապեր հաստատելու համար, այլև ազգային կիրառական արվեստի ոճի ու ավանդների իմացություն։ Հավաքել, վաղահաս կորստից փրկել ժողովրդական ստեղծագործության անհետացող նմուշները և ապա՝ քննախույզ հայացքով տարբերակել դրանք, պարզել դրանց ստեղծման եղանակները, անհնարին գաղտնիքները, ստեղծման վայրով ու ժամանակով պայմանավորված ոճական անկրկնելի յուրահատկությունները, կրած ու թողած ազդեցությունները։ Այդ գործը, թվում է, միայն Սերիկ Դավթյանը կարող էր անել։ Կործ, որի մասին Մարտիրոս Մարյանն է ասել. «Այսպիսով, նա լույս է սփռել կիրառական արվեստի հանիրաւի մոռացված մի ասպարեզի վրա։ Դա գնահատության և խրախուսանքի արժանի գործ է, որ պետք է շարունակվի։ Կիրառական արվեստի բոլոր ճյուղերի դիտական ուսումնասիրության անգնահատելի գործը պետք է ավելի և ավելի լայն ծավալ ստանա, իր մեջ առնելով ասպարեզը սիրող, հասկացող, գնահատող երիտասարդ մասնագետներին։ Սերիկ Դավթյանի աշխատանքը նրանց համար լավ օրինակ կարող է լինել։»

Լ. Հ. ՀԱԽՎԵՐԴՅԱՆ

Բաճախական գիտությունների զեկտոր